

Ғайбий эъжоз ёхуд 20 та ҳақиқат (11-13)

20 та
ҳақиқат

11-13

Абдурроим Ка'ел мақоласи
асосида Нозимжон Ҳошимжон тайёрлади

11:16 / 01.10.2020 1193

(учинчи мақола)

11. Анас розияллоҳу анҳудан ривоят қилинади:

Расулуллоҳ соллаллоҳу алайҳи васаллам дедилар: «**Мен пайғамбар этиб юборилдим, (бу пайтда) қиёмат қоим бўлишига мана шунча қолган эди**». Анас розияллоҳу анҳу айтадилар: «У зот соллаллоҳу алайҳи васаллам «мана шунча» деганларида кўрсаткич ва ўрта бармоқларини бирбирига ёпиштирилар».

Имом Бухорий ва Имом Муслим ривоят қилишган.

Олимлар коинотнинг ёши 13 ярим миллиард йил деб айтадилар. Ушбу йиллар олдида инсоннинг умри жуда кичик бўлиб кетади. Пайғамбаримиз соллаллоҳу алайҳи васалламнинг пайғамбар этиб юборилгандарига 1400 йилдан сал кўпроқ вақт бўлди. Агар 1400 ни 13500000000 га бўлсак, натижа 0.0000001 бўлади. Яъни, ўн миллиондан бир бўлади. Пайғамбаримиз соллаллоҳу алайҳи васалламнинг икки бармоқларини бирбирига ёпиштириб ишора қилишлари ўта нозик ишора эканини, қиёматга жуда оз вақт қолганини англаб етамиз. Валлоҳу аълам.

12. Пайғамбаримиз соллаллоҳу алайҳи васаллам қиёмат аломатлари ҳақида сўз юритаётганларида «**Ялангоёқ, яланғоч, камбағал қўйбоқарларнинг бино қуришда мусобақа** (ким ўзар) қилаётганларини кўрмоғинг» деган гапни ҳам айтганлар.

Имом Бухорий ва Имом Муслим ривоят қилишган.

Бугун дунёning кўплаб давлатлари бир-бирлари билан баланд бинолар, буржлар қуришда мусобақа қилиб, «Дунёдаги энг баланд меҳмонхона» деган гапларни айтиб фахрланадилар. Бу эса Пайғамбаримиз соллаллоҳу алайҳи васалламнинг мўъжизалари бўлиб, бундан 14 аср олдин бу ҳақида айтганлар.

13. Абу Ҳурайра розияллоҳу анҳудан ривоят қилинади:

Расулуллоҳ соллаллоҳу алайҳи васаллам шундай дедилар: «**Токи фитналар зоҳир бўлмагунча, ёлғон кўпаймагунча, бозорлар яқинлашмагунча ва замон яқинлашмагунча қиёмат қоим бўлмайди**». *Имом Аҳмад ривояти.*

Бугун фитналар, ёлғон гаплар кенг тарқалиб боряпти. Бозорлар, дўконлар кўпайгани учун уларнинг ораси яқинлашмоқда. Уйдан узоқقا бормай, маҳалланинг ўзидағи дўкондан маҳсулот харид қилиш имкони бор. Олдинлари бир ойда борилган шаҳарда содир бўлган воқеадан бугун телевизор орқали бир неча дақиқа ичидаги хабардор бўласиз. Вақтнинг яқинлашиши деганда узоқ вақт сарф этиладиган маконларга самолётда қисқа вақт ичидаги борилишини ҳам тушунамиз. Кунларимизнинг қисқариб, ҳафта, ой, йил тез ўтаётганини ҳам англаб борамиз. Пайғамбаримиз соллаллоҳу алайҳи васаллам қиёматга яқин шундай ишлар бўлишини бундан 14 аср олдин айтганлари, у зот соллаллоҳу алайҳи васалламнинг ҳақиқий пайғамбар эканликларига далолат қиласи.

(Давоми бор)

Иккинчи мақола

Абдуллоҳи Каҳел мақоласи асосида Нозимжон Ҳошимжон тайёрлади